

## **1. Nalinginnaasumik**

### **1.1. Kontot atorneqarsinnaasut**

Akit piumasaqaatillu uku kontonut tamanut atuupput:

- Nunamut allamut aningaasanik nuussissaguit
- Nunamit allamit aningaasanik tigusissaguit
- Nunap allap aningaasanik allanik Danmarkimi DKK-junngitsunik nuussissaguit tigusissaguillu.

Ilanngullugu sullitanut inuinnarnut atuupput GrønlandsBANKEN-ip:

-Niuernermi piumasaqaatit nalinginnaasut - Inuinnaat sullitat

- Kontonut akiliissutaasartunut piumasaqaatit – Inuinnaat sullitat

Aamma inuussutissarsiornermi sullitanut:

Niuernermi piumasaqaatit nalinginnaasut – Inuussutissarsiornermi sullitat

- Kontonut akiliissutaasartunut piumasaqaatit – Inuussutissarsiornermi sullitat

### **1.2. Aningaasat nalingi**

GrønlandsBANKEN-ip nunat allat aningaasaataannik pisisarnermi tunisisarnermilu GrønlandsBANKEN-ip niuerutigisaasa nalingi, aningaaseriviup akigititanut allattorsimaffiani aningaaseriviup nittartagaaniittumi nassaarineqarsinnaapput. Aningaasat nalingi nalunaaruteqaaqqaarani allanngortinneqartarput.

Nunamut allamut nuusseqqusineq kiisalu nunamit allamit nuussinerit tigusimasat kingusinnerpaamik nal. 11.00 ullormi aningaasat nalinginik naatsorsorneqartarput. Nunamut allamut nuusseqqusineq aamma nunamit allamit nuussinerit tiguneqartut ullormi aningaaseriviup ammaffissaata tulliani aningaasat nalinginut naatsorsorneqartarput.

### **1.3. IBAN**

International Bank Account Number kontonormunut atasunut tamanut nunani tamalaani kodeuvoq. IBAN nuussinerit aningaaserivinni systemit aqqutigalugit sappingisamik sukkanerpaamik nuussinissamut annertunerusumik isumannaallisaasuovoq. IBAN tigusisussap kontonormua pillugu aamma aningaaserivimmi kontomi sorlermi ingerlanneqarnersoq pillugu paassisutissanik imaqarpoq. Kontonormup aamma aningaaseriviup ataqtiginnerat erseqqissuuvoq.

IBAN nunanut IBAN-imik atugaqartunut nuussinermi atorneqartarpoq. IBAN Europami piumasaqaataavoq.

### **1.4. BIC**

BIC, Bank Identifier Code-imit naalisagaavoq, tassaasoq aningaaserivimmik ilisarinninnissamut nunani tamalaani atortoq. GrønlandsBANKEN-ip BIC-kodea tassaavoq: GRENLGX.

### **1.5. SWIFT**

SWIFT, Society for Worldwide Interbank Financial Telecommunication-imit naalisagaavoq. SWIFT tassaavoq paassisutissat pillugit attaveqarfik, aningaaseriviit 10.000-t sinnerlugit akornanni akiliinermi paassisutissanik paarlaoqatigiiffiusartoq.

### **1.6. Amerikami oqartussaasut piumasaqaataat**

Nunamut allamut aningaasanik nuussinermi, eqqumaffigissavat, paassisutissanik Amerikami oqartussaasunut ingerlatitseqqittoqarsinnaanera. Amerikamiut inatsisaat naapertorlugu, SWIFT paassisutissanik tunniussinissamut pisussaaffilerneqarnikuovoq, pinerlunnermik imaluunniit peqqarniisaarniarnermik aningaasaliisoqarneranik pasitsaassisooqarpat.

## **1.7. Aningaaserivik attaveqatigisaq**

Nalinginnaasumik aamma sukkasuumik nuussinerni, nunami allami aningaaserivik attaveqatigisarput tassaasariaqanngilaq tigusisussap aningaaserivia. Pisut ilaanni aningaaseriviit attavigisat aamma nunani tamalaani clearingsystemit toqqarneqarsimasut nuussinernik naammassinninnissamut atortarpagut. Pisuni aningaaseriviup nuussineq aningaaserivik attavigisaq aqqutigalugu nassitissallugu aalajangernerini, aningaaseriviup attavigisap aningaasanik tigusisussap aningaaserivianut nassiuressinnginnermi akiliutinik nususseqqaassaaq. Qulakkeerusukkukku, aningaasaq aalajangersimasoq sunarpiaq tigusisussamut apuunnersoq, aningaasartutinik agguataarineq OUR toqqarsinnaavat, tamanna periarfissaappat, tak. immikkoortoq 1.8

Aningaaserivik attavigisassaq toqqareerutsigu, aningaaseriviup taassuma akiliisinnanassusaanut akisussaaffik tigusarparput. Aningaaseriviup attavigisatta kukkusimanini nassuerutigippagu, imaluunniit kukkanueq inaarutaasumik eqqartuussinermi aalajangiinermi aalajangerneqarpat, kukkunermet akisussaaffik tigussavarput.

Pisuni allani akisussaaffeqanngilagut, soorlu akisussaaffik atorunnaassasoq, aningaasat nuunneqartut tigusisussap kontoanut ikineqarpata.

## **1.8. Aningaasartutinik agguataarineq**

Nuussinermi aningaasartuit nassiuressisumit aamma tigusisumit assigiinngitsunik pingasunik agguataarneqarsinnaapput:

OUR – Nunap iluani aamma nunami allami aningaasartuit tamarmik akiliisup akilissavai Aningaasartuit tamasa akiiliisup akilissavai. Akiliilluni nuussinermik naammassinninnermi akiliisoq nalinginnaasumik akilummik kiisalu, aningaasanik tigusisussap aningaaseriviata akiliisup aningaaserivianit akileqqusassanut akiliutigisassatut naatsorsuutigisaasumut ilassutit akilummik akileeqquneqassaaq.

BEN – Aningaasartuit tamarmik aningaasanik tigusisumit akilerneqassapput

Aningaasartuit tamarmik aningaasanik tigusisumit akilerneqassapput. Akiliisup BEN toqqarpagu, akiliisup aningaaseriviata nassiuressinermi aningaasartutini, aningaasanik tigusisussamut nuunneqartunit ilanngaatigissavaa.

SHA akiliisup aningaasanillu tigusisup aningaasartuit tamarmik immikkut akilissavaat. Tamanna isumaqarpoq, akiliisup aningaaserivimminut aningaasartutini akilissagai, kiisalu aningaasanik tigusisup nunami allami nammimeq aningaaserivimminut aningaasartutit akilissagai.

## **1.9. Aningaasartuutit**

GrønlandsBANKEN-ip nunamut allamut nunamillu allamit nuussinernut akigititai GrønlandsBANKEN-ip akinut allattorsimaffiani takuneqarsinnaapput. Aningaasanik nassiuressisup aningaasartuit tamasa akilerniarlugit aalajangersimappagu, aningaasat nassiuressit akiliutinik ilanngaavagineqanngitsut tigussavatit.

## **1.10. Inummut paasissutissanik suliaqarnermut akuersissut**

Piumasaqaatit uku akuerineritigut, akuersissutigaat, inummut paasissutissatit nunamut allamut nunamillu allamit nuussinernut atatillugu atorneqarsinnaasut.

Inummut paasissutissatit taamaallaat katarsorneqassapput suliarineqarlutillu, nunamut allamut kiisalu nunamit allamit nuussinermik naammassinninnermut imaluunniit iluarsiinermut atatillugu.

Inummut paasissutissat katarsorneqartut tassaasinnaapput, ateq, najugaq aamma kontonormu.

Assersuuttitut GrønlandsBANKEN-ip nunamit allamit nuussinermi, nassiusisup aqqa kiisalu kontonormua pillugit aningaasanik tigusisumut kiisalu aningaaserivinnut attuumassuteqartunut paasissutissanik ingerlatitseqqissaq.

Qaqugukkulluunniit akuersissutit tunuartissinnaavat, taamaaliornikkulli nunamut allamut nunamillu allamit aningaasanik nuussisinnaajunnaassaatit.

## **2. Nunamut allamut nuussinerit immikkut pillugit**

### **2.1 Paasissutissat pisariaqartut**

Nunamut allamut nuusseqqusineq tulliuttunik paasissutissanik imaqassaaq:

- Nunap aningaasai aamma aningaasat annertussusaat
- Kontomi pilersinneqarsimasumi tigusisussap aqqa aamma tigusisussap najugaa
- Tigusisussap aningaaserivia (taaguuttaa kiisalu ajornanngippat najugaa) aamma ajornanngippat BIC-kode
- Tigusisussap IBAN-kontonormua. USA, Canada, Asiami nunat IBAN atunngilaat
- Nuussinerup suussusaa

Tigusisussap aqqa, aningaaserivia aamma kontonormua tiguneqanngippata, akiliineq naammassineqarsinnaanngilaq.

Akisussaaffigingngilarput, IBAN paasissutissiissutigisat, tigusisussap paasissutissiissutigisappit piginngippagu. IBAN aamma SWIFT/BIC tamaasa paasissutissiissutigukkit, taakkulu nikingappata, IBAN siulliussaaq, aningaaserivimmut sorlermut aningaasat nassiuunneqassanersut toqqarutsigu.

### **2.2 Nuussinerup suussusai**

Nunanut allanut nuussinerit assigiinngitsut arlallit neqerorutigaagut:

#### **2.2.1 Nalinginnaasumik nuussineq**

- Nalinginnaasumik nuussineq nuussineq ajornannginnerpaajuvoq nalinginnaanerpaallunilu, kiisalu aningaaseriviup ullut ammaffii 2-4-t missaanni akilerneqartarluni.

#### **2.2.2 Sukkasumik nuussinerit**

- Nuussineq sukkannerusumik naammassineqassappat atorneqartarpooq.
- Nuussinerup sivisussusaanut apeqqutaasarpooq nunap suup aningaasai toqqarneqarsimanersut aamma nuna tigusisussaqaq, nalinginnaasumillu aningaaseriviup ulluni ammaffiini 1-2-ni akilerneqartarluni.

Aningaaseriviup kinaassutsimut uppernarsaat apeqqutigisinggaavaa, nuussinermilu ateq aamma konto nr. paasissutissiissutigineqarnissaat piumasaqaataasuaannarpoq.

Nuusseriaatsit tamaasa nammineq toqqarnissai periarfissaasuaannanngilaq. Nuusseriaaseq ilinnut pitsaanerusutut naliligarpuit toqqassavarput. Kalaallit Nunaat EU-mut ilaasortaanngilaq, taamaattumillu aningaaseriviup SEPA aqqutigalugu akiliinerit neqeroorutigisinggaanngilai.

### **2.3 Naammassinninnerup sivisussusaa**

Nunamut allamut nuussinermi naammassinninnerup sivisussusaa piffissaavoq aningaaseriviup ullut ammaffii, nuusseqqusinerit tiguneranit, aningaasat tigusisup aningaaseriviani atorneqarsinnaalernissaasa tungaanut.

Nuussinerni piumasaqaataappat, aningaaserivimmik attavigisamik atornissarput, naammassinninnisamut piffissaq piffissaavoq, nuusseqqusinerit tiguneranit aningaasat aningaaserivimmi attavigisami atorneqarsinnaalernissaata tungaanut.

Nuusseqqusineq pappialakkut nassiukkukku, immikkoortortaqarfik/allakkat aqqutigalugit nuussinernut skemami takutinneqartumi ullunut amerlassusaanut atatillugu nuussinerup naammassinissaa ullormik ataatsimik ilasinnaavarput.

Nuussinerup sivisussusaanut apeqquaasarloq nuussinerup suussusaa kiisalu nunap suup aningaasai, kiisalu ullup qanoq ilinerani nuusseqqusinerit tigunerippuit.

Eqqumaffigissavatit nuussinernik tigusinissamut piffissat killiliussat, aningaaserivimmi tigusisussami atuuttut kiisalu nunami tigusiffiusussami aningaaseriviup ullaat matoqqaffigisinnaasai.

Tigusisup aningaaseriviata nalinginnaasumik aningaasat aningaasanik tigusisumut atugassanngortissavai, aningaasanik tigusisup aningaaseriviata aningaasat atorsinnaalerneisa ullaormi aningaaseriviup ammaffiata tulliani. Tamatumunngali apeqquaapput nunami tigusisumi inatsisit ileqqullu.

GrønlandsBANKEN-ip Danmarkimi suleqatigisat systeminillu neqerooruteqartut atortarpai, Danmarkimi nalunaqtaq malillugu sulisartut, tamanna erniat ulluannut aamma ernialiinermut sunniuteqarsinnaavoq. Systemimik neqerooruteqartumik Danmarkimeersumik toqqaasimanerup akornutissartarisinnaasaanut GrønlandsBANKEN arlaannaatigulluunniit akisussaasuunngilaq.

## **2.4 Ulloq erniat naatsorsorneqarfiat**

Ernianik naatsorsuineq nalinginnaasumik pisarloq, ullaormi aningaaseriviup ammanerani aningaasat kontomit nusunneqarfianni.

### **3. Nunamit allamit nuussinerit immikkut pillugit**

#### **3.1 Paasissutissat aningaasanik nassiussisumut tunniuttariaqakkatit**

Aningaasanik nassiussisussamut paasissutissiissutigisariaqarpat, nuussineq GrønlandsBANKEN-ip BIC-kodea illit IBAN-it ilanggullugu aqqutigalugu toqqaannartumik pisariaqartoq.

#### **3.2 Erniat naatsorsorneqarnerinut ulluliineq**

Nunamit allamit nuussinerit nalinginnaasumik erniat naatsorsorneqarnerinut ulluliilluni kontonnut ikineqassapput, aningaasat uagut tigusinnaalerneinit ullaormi aningaaseriviup ammaffiata tulliani. Nunat allat aningaasaataat ullaormi nalimut naatsorsorneqassaaq.

#### **3.3 Aningaasanik taarsiineq**

Nuussinerit, kontomi nuunneqarfiani aningaasanit allaanerusutut aningaasatut allatut tiguneqartut, kontomut ikineqarfianut aningaasanut automatiskimik taarsertarpagut, allatut isumaqatigiissuteqarsimannngikkutta.

### **4. Paasissutissat amerlanerusut**

#### **4.1 Allannguutit**

Allannguineq ilinnut iluanaarutaanngippat, piumasaqaatit uku kiisalu akinut allattorsimaffik ilaasoq qaammatinik marlunnik nalunaaruteqareerluta allanngortissinnaavagut. Allannguinerit allat nalunaaruteqqaqqaaranit pisinnaapput.

Malittarisassanik allannguinnginnermi tamanna akuerineqartutut isigineqassaaq, ulloq atuutilerfissaat sioqquillugu GrønlandsBANKEN-imut nalunaarsimannngikkuit, malittarisassat nutaat pituttorsimaffigerusunnagit.

Malittarisassanut nutaanut pituttorsimarusunnak nalunaarutigukku, malittarisassat nutaat piffissami atuutilernerannit sullissineq atorunnaartutut isigineqassaaq.

#### **4.2 Piumasaqaatit peqqinneri**

Piumasaqaatit annaagukkit imaluunniit arlaannik pissuteqarlutit nutaamik peqqinnissaat pisariaqartillugu, taakku GrønlandsBANKEN-ip nittartagaani nassaarisinnaavatit, imaluunniit saaffigisinnaavatsigut.